


昭

代

興

馬



昭
代
典
則

江苏工业学院图书馆
藏书章

昭代典則序

夫史難言哉學者宏辨
典記考撫曩古然于當
代之故靡幾焉大之則
弘謨洪烈之盛銳意鋪
張閱之則金匱石室之
藏煩思紬繹公之則是
非袞鉞之施叶謀而權
定甚有未易二者司馬
氏並職天官二十而南

遊探舜禹故蹟歷窮海

內講業齊魯以度衷于
聖人宣古今稱史者亡
如史記乃評者猶恨焉
其稱三五之際略矣若
漢興以來故實功令行
事之迹靡不畢究而八
書諸志巍然隻千古焉
以啓班氏羽翼春秋良
不虛耳

高皇帝驅逐胡元肇造中夏

直接皇王之統

成祖靖難

列聖闡繹垂二百季丕教誕

洽人文馮二蒸休軼古

昭代典則

序

三

蓋自

孝皇帝以來而海內文章之

士閎肆崛興駿二乎有

漢之遺矣

世宗襲累世熙洽修明禮樂

丕休究于神人功茂之

存較于漢武不知幾踰

越也固應有司馬材應

纂述之列以昭憲彝于

萬世夫家史興而善失

昭代典則

序

四

真美而溢者也野史興

而善涉謬傳而誤者也

裨史興而善入譌瑣而

鄙者也以余所概見東

莞通紀矣猥管雜而觀

欲吐京山洪猷確矣斷
取節而時代闕焉毘陵
雋李憲章矣一僅提綱
而闕于節目一逞胸臆
而盤于事至弇州以論

著高一代國故家乘異
同亡所不訂闕疑無所
不考沾命並自左史
而下若范陳諸人不勝
乙而衙官之及其別集

出掇拾斷爛附益成文
盲史腐令不寂一揶揄
乎哉以此言史一何容

易至若文直事核綱舉
目張紀考傳表體裁具

而道法兼其吾學編乎
國之大諱難于史者天
造則建文中葉則景泰
端簡則既舉之矣上邈
高皇迄嘉靖而止當是時

並宗神聖威靈莫測惜乎端

簡之縮于筆也閩中恭

肅黃公起端簡之後故

有史材從容朝禮得以

展采鐫事無周南流滯

昭代典則

序

七

之戚以其暇日倫鳩百

氏編次日月祖左氏而

禰司馬撰述成一家言

命曰昭代典則其用心

良勤且篤矣吾鄉周氏

見而悅焉屬之剞劂介

武車駕朱職方問序不

佞不佞非知史者而知

難于史迹黃公所撰著

述

昭代典則

序

明聖之休光次功臣賢哲之

餘烈撫載禮樂征伐損

益建置之際章矣乃德

者試而有譽忌者郤而

脩詆存疑者易地而讀

時代炫觀而憤聞若諸
史敕者寧能無一二遺
吻蓋其難哉邇者
天子允輔臣之請釐脩

國朝正史迄今六七載館

昭代典則

序

九

閣作者如林寥々未竣

曷故哉古之史者有專

任而無分曹有獨裁而

無軋筆故史于今者難

且百倍古

明世弗紹史牒放遺余願

有事焉而未之愜見也

恭肅之於端簡官品同

人品同立朝建白略同

及纂述而史亦無乎不

昭代典則

序

十

同方之漢世不庶幾焉

班乎哉余故從周氏之

請為恭肅直序之以附

于三代之遺聊以志而

已 肯

萬曆庚子歲中秋日

賜進士第南京吏科給事中

兼署戶禮兵刑工五科

事

欽差巡視京營九庫督理後

昭代典則

序

十一

湖黃冊豫章祝世祿撰

昭代典則目錄

卷之一

太祖高皇帝

至正壬辰起兵至丙申

卷之二

太祖高皇帝

丁酉為吳國公至辛丑

卷之三

太祖高皇帝

壬寅至乙巳為吳王

卷之四

太祖高皇帝

丙午至吳元年丁未

卷之五

太祖高皇帝

洪武元年戊申

昭代典則

目錄

一乙

卷之六

太祖高皇帝

洪武二年至三年

卷之七

太祖高皇帝

洪武四年至七年

卷之八

太祖高皇帝

洪武八年至十二年

卷之九

太祖高皇帝

洪武十三年至十八年

卷之十

太祖高皇帝

洪武十九年至二十三年

卷之十一

大祖高皇帝 洪武二十四年至三十一年

卷之十二

建文皇帝 革除元年至四年

卷之十三

成祖文皇帝 永樂元年至二十二年

卷之十四

仁宗昭皇帝 洪熙元年至宣德十年

宣宗章皇帝

卷之十五

英宗睿皇帝 正統元年至十四年

卷之十六

昭代典則 目錄

恭仁景皇帝 景泰元年至八年

卷之十七

英宗睿皇帝 天順元年至成化二年

憲宗純皇帝

卷之十八

憲宗純皇帝 成化三年至七年

卷之十九

憲宗純皇帝 成化八年至十三年

卷之二十

憲宗純皇帝 成化十四年至十八年

卷之二十一

憲宗純皇帝 成化十九年至二十三年

卷之二十二

孝宗敬皇帝 弘治元年至十年

卷之二十三

孝宗敬皇帝 弘治十一年至十八年

卷之二十四

武宗毅皇帝 正德元年至八年

卷之二十五

武宗毅皇帝 正德九年至十六年

卷之二十六

世宗肅皇帝 嘉靖元年至八年

卷之二十七

世宗肅皇帝 嘉靖九年至十八年

卷之二十八

世宗肅皇帝 嘉靖十九年至隆慶六年

穆宗莊皇帝

隆慶六年

昭代典則 目錄

昭代典則卷之一

賜進士太子少保刑部尚書晉江黃光昇編輯

吳郡陸翀之校閱

金陵周曰校刊行

太祖高皇帝

壬辰 胡虜僭據宇內中華正統久絕是年

聖主起於濠州雖未卽位建元然天命有在人心所歸而

中華萬年曆數卽已屬之故於是年卽紀我

大明以上承三皇五帝夏商周漢唐宋正統而胡虜安權

帖睦爾之昏亂與其四方盜賊之竊據皆我

聖主所驅除者則隨年附見其事云

昭代典則

卷一

是年春我

太祖高皇帝治兵濠州

高皇帝之先江東句容朱家巷人宋季時

太父熙祖始徙家渡淮居泗州

父仁祖又徙居鍾離之東鄉生四子

高皇帝其季也已而徙居鍾離西鄉後遷太平鄉之孤莊

村甲申 高皇帝年十七值四方旱蝗民饑應疫

仁祖及 太后陳氏俱崩既葬追念 仁祖太后嘗因夢

許從釋氏迺入皇覺寺僅五十日寺僧以食不給散遣

其徒游四方

高皇帝西遊合肥歷光固汝潁諸州凡三年時汝潁兵起

列郡騷動 高皇帝復還皇覺寺至是定遠人郭子興

與其黨孫德崖等自稱元帥率賓客子弟攻濠州城

陽據之於是亂兵焚皇覺寺寺僧逃散 高皇帝亦出

避兵方卜從雄未決蒙古將徹里不花率兵欲復濠城

憚不敢進惟日掠良民爲盜以微賞皆恟恟相扇動不

自安 高皇帝迺以閏三月朔旦抵濠城入門門者疑

以爲謀執欲害之人以告子興子興遣人追至見

高皇帝狀貌奇偉大異常人因問所以來之故遂畱與謀

事久之凡有攻伐卽命以往往輒勝子興由是兵勢益

盛初宿州閔子鄉人馬公素剛直重然諾愛人喜施避

仇定遠與子興爲刎頸交馬公有季女甚愛之術謂此

昭代典則

卷一

女當大貴馬公謀還宿州起兵應子興卽以女托子興

曰幸公善撫視子興撫之如己子已而馬公歿子興欲

爲女擇良配謂 高皇帝度量豁達有智略宜配之子

興妻張氏曰今天下亂君舉大事正當收集豪傑與成

功業一旦彼爲他人所親誰與共成事者子興遂以其

女妻之卽 高皇后也

高皇帝先在甥館遂日治兵掌征討之事時湯和委心推

上爲謀長

羅田徐壽輝攻破武昌沔陽蒙古威順王寬徹不花等棄

城委推官俞述祖歿之

蒙古昏亂四方盜起潁川劉福通據朱皇蕭縣李二與

趙均用彭早住據徐州羅田徐壽輝與倪文俊稍勝據蘄水壽輝稱帝國號天完遂遣其將丁普郎等陷漢陽興國武昌威順王及平章政事和尚等並遁去壽輝又遣曾法興陷安陸府知府丑驢戰歿又陷中興路同知月吉輪出戰衆潰又攻沔陽推官俞述祖領民兵捍禦不能支城陷被執送壽輝所誘之使降述祖罵不輟壽輝支解之

二月徐壽輝破江州蒙古總管李黼戰歿

初盜陷蘄黃造船北岸欲攻九江黼治城陞收器械募丁壯分守要害請兵于江西行省以扼賊衝不報武昌既陷賊乘勝破瑞昌舳艫蔽江而下江西大震右丞李

昭代典則

卷一

三

羅帖木兒方駐兵于江聞風宵遁游兵已及境黼檄鄉落聚木石於險處以遏其歸路黃梅主簿也孫帖木兒願出擊賊黼與之出戰大敗賊兵殺獲二萬餘人黼曰賊不利於陸必以舟薄我乃令以長木數千冒鐵椎于杪暗植沿岸水中賊舟數千艘順流鼓譟而進遇木椿不得動黼以火箭射之焚溺無算時東際淮甸西自荆湖守臣往往棄城遁獨黼守城中外援絕而賊勢益熾進兵薄城分省平章禿堅不花自北門出走黼引兵登陴賊已焚西門張弩射之轉攻東門黼急往救賊兵已入矣猶與之巷戰力不能敵乃揮劍叱之曰殺我無殺百姓賊刺之墜馬與兄冕之子秉昭俱歿州民聞之哭

聲震天具棺葬之冕在穎亦歿于賊事聞黼江淮左丞隴西公諡文忠

三月徐壽輝破瑞泰徽等州○蒙古台州路達魯花赤泰不華與方國珍戰于澄江歿之

時蒙古方征徐州命江蘇募舟師北守大江國珍懷疑復劫其黨入海泰不華遣義士王大用往諭國珍拘留不遣其威黨陳仲達往來議降泰不華具舟張受降旗乘潮下澄江觸沙不行華與國珍遇呼仲達申前議仲達目動氣索泰不華覺其心異手斬之即前搏賊船奮擊之賊羣至欲抱持入國珍船泰不華瞋目叱之奪刀殺賊賊攢槩刺之中頸歿猶植立不仆投其屍海中事

昭代典則

卷一

四

聞追贈江浙平章封魏國公諡忠介○胡粹中曰古之將兵伐叛有因其來降而受之者矣未聞身往議降者也夫來降有二心服爲上力屈爲次方國珍阻兵五年官軍討之不能勝則其力未屈也山東江淮湖湘羣盜並起朝廷皆無如之何則其心未服也力未屈心未服其往議降者特緩兵之計耳而泰不華輕身虎口往受其降輕敵寡謀喪身辱國忠雖有餘而智弗足稱矣

隴西地震

地震踰百日城郭頽圯陵谷遷變定西會州靜寧莊浪尤甚會州公宇牆崩獲弩五百餘長者丈餘短者九尺人莫能挽田改定西爲安定州會州爲會寧州

蒙古也先帖木兒軍潰名還後爲御史大夫左遷西臺御史大夫。朮爾直班爲湖廣平章政事。

一也先帖木兒駐軍西河軍中夜驚盡棄軍械北奔汴梁。

收散卒退屯夕仙鎮朝廷以也先帖木兒不知兵遣平

章蠻子代還仍爲御史大夫西臺御史范文劉希曾等

劾其喪師辱國脫脫庇之中臺御史周伯琦阿附脫脫

劾文等越分干譽乃左遷朮爾直班爲湖廣平章出文

等爲各郡判官由是人莫敢言事朮爾直班既受命關

中人涕泣燕留尉遣之從間道得出至湖廣汝中栢等

言于脫脫曰不殺朮爾直班丞相終不安乃命給軍餉

總兵者希旨數侵辱之不爲動脫脫又遣國子助教完

昭代典則

卷一

五

者至軍中諷使害之完者至益加敬禮謂人曰平章國

之助舊吾苟傷之人終不食吾餘朮爾直班素感風疾

竟卒于黃州○胡粹中曰用兵之道勝有賞敗有刑故

書曰用命賞于祖不用命戮于執予則孥戮汝孥戮汝

云者罪非獨一身也益重言以深儆之云爾也先帖木

兒爲將覆軍當伏孥戮之罪而脫脫庇之更名爲臺端

則是賞其敗矣以此行軍烏能勝哉當是時中臺之官

以罪人爲之長曾不知恥而西臺乃能連章論劾彼周

伯琦者不反躬自愧顧以越分干譽塗污正臣所謂小

人之無忌憚也不有君子其能國乎

夏四月朔日有食之○五月蒙古徙故宋帝累子

于沙州

元御史徹徹帖木兒等言諸處羣盜輒引亡宋故號以

爲口實宜徙和尚完普及親屬于沙州安置禁人交通

從之

六月大名路旱蝗

飢民七十一萬六千九百八十口○秋七月徐壽輝兵

襲杭州蒙古江浙叅知政事樊執敬戰歿董搏霄尋復杭

州遂復徽州

先是壽輝遣項普略引兵掠徽州遂犯昱嶺關來攻杭

州城中猝無備執敬遽上馬率衆出中途與賊遇乃奮

力砍賊中鎗而歿時董搏霄從江浙平章教化征安豐

乘勝攻濠州會朝廷命移軍援江南遂渡江至德清而

昭代典則

卷一

六

杭州已陷教化問計搏霄曰賊見杭城子女玉帛必縱

欲不暇爲備宜急攻之若退保湖州賊乘銳趨京口則

江南不可爲矣教化不能決諸將亦難其行搏霄曰公

江浙相君方面失陷而及今不取誰任其咎復拔劍顧

諸將曰相君在是敢有慢令者斬遂進兵薄杭州賊迎

敵搏霄麾壯士突前諸軍相繼夾擊凡七戰賊奔接待

寺塞其門而焚之皆灰遂復杭州已而餘杭武康德清

於潛安吉千秋關皆次第以平賊衆潘大淵梅元等俱

以其徒來降尋進克廣德斬饒諸賊復犯徽州賊中有

道士能作十二里霧搏霄引兵擊之賊大潰斬首數萬

級擒道士焚其妖書斬之徽州遂平○胡粹中曰古之

爲治者有文事必有武備江浙居十三省之首壤地正不廣也金穀非不富也民庶非不多也蓋東南之巨鎮而山賊猝至城無守備何哉承平日久文恬武嬉任方面者皆蒙古色目貴胄之子弟惟務逸樂不恤政治故也然省憲大臣皆通一樊執敬獨力戰而外豈不謂之猶賢乎哉知是則漢人未必不可重任也

八月蒙古右丞相脫脫破肅縣李二於徐州屠其城

脫脫自乞率師伐李二詔許之兵部尚書密邇麻和謨等言大臣天子股肱中書庶政根本不可一日離乞留脫脫以獨亮天工庶內外有兼治之宜不報遂詔脫脫以谷刺罕太傅右丞相分省於外總制諸路軍馬凡爵

昭代典則

卷一

七

賞誅殺悉聽便宜從事九月至徐州攻其西門賊出戰以帖剌箭射馬首脫脫不爲動揮軍奮擊破之芝麻李遁去趙均用彭早住走濠州追擒其將數十人遂屠其城元主遣平章普化卽軍中加脫脫太師趣還朝○胡粹中曰脫脫復相於恩怨無不報又用烏古孫良楨龔伯璫汝中栢伯帖木兒等爲僚屬相與排異已者而斥之先是脫脫西行別兒怯不花欲誦之疾哈麻屢爲之解得召還脫脫深德之引爲右丞是時汝中栢參議省事平章以下莫敢異同惟哈麻不爲之下汝中栢因譖之遂改哈麻宣政院使哈麻深銜之哈麻嘗與脫脫議授皇太子冊寶禮脫脫每言卽宮中有子將寘之何所

以故久不行及將出師以汝中栢爲治書使輔也先帖木兒居中栢恐哈麻爲後患欲去之脫脫不能央令與也先帖木兒謀也先帖木兒亦不從哈麻知之遂譖脫脫於皇后奇氏及皇太子後再出視師未及成功爲羣小所構竟以罪去

九月蒙古以余闕爲淮西宣慰副使守安慶

時闕以浙東廉訪僉事居毋憂于家值兵擾河南陷郡縣乃起闕副使僉都元帥府事分兵守安慶抵官十日而寇至拒却之乃集有司諸將議屯田守戰策環境築堡砦選精甲外捍而耕稼于中浚湟增陴隍外環以大防深塹三重南引江水注之環植木爲柵城上四面起

昭代典則

卷一

八

飛樓表裏完固俄陞都元帥廣西苗軍五萬從元帥阿思蘭沿江下抵廬州闕移文謂苗蠻不當使之窺中國詔阿思蘭還苗軍有暴於境者卽收戮之粟粟莫敢犯時羣盜環布四外闕居其中左提右挈屹爲江淮一保障

冬十月霍山崩

前三日山如雷鳴禽獸驚散隕石數里

十一月蒙古江西行省平章政事星吉擊徐壽輝將趙普勝戰于湖口兵敗歿之

星吉初爲南臺御史大夫執政惡之出爲湖廣平章至是移江西星吉馳赴任比至江東復有詔令守江州時

江州已陷趙普勝周驢等據池陽太平諸郡號百萬星
吉募兵得三千人趨銅陵克之擒驢奪其船六百艘軍
聲大震遂復池州分兵攻石埭諸縣進據清水灣又大
破之賊久圍安慶聞風燒營遁去遂進復湖口縣克江
州留兵守之命王惟恭柵小孤山星吉自據番陽口綴
江西要衝以圖恢復日久援不至賊乘大艦來攻編葦
筏塞上下流火之星吉率兵力戰眾歿且盡星吉猶堅
坐不動中流矢而仆賊素聞其名不忍害昇至密室乃
蘇羅拜饋食星吉斥之凡七日乃自力而起北向再拜
曰臣力竭矣遂絕星吉河西人樹思吉之子也

十二月蒙古以察罕帖木兒爲汝寧府達魯花赤李思齊
昭代典則

卷一

九

知府事

時汝穎兵勢大振不數月江淮諸郡俱殘破朝廷徵兵
致討卒無成功穎川沈丘人察罕帖木兒與羅山思齊
同奮義起兵邑中子弟從者數百人破賊事聞遂並用
之於是所在義士俱將兵來會得萬人屯沈丘自成一
軍

蕭縣李二將趙均用自徐州入濠州據之

蒙古破徐州李二既遁李二將趙均用彭早住率餘眾
奔濠郭子興孫德崖納之二人本以窮蹙來奔子興德
崖反屈已下之事皆稟命遂爲所制蒙古脫脫命將賈
魯追趙均用等圍濠城均用等與子興德崖極力拒守

命賈魯焚蒙古兵亦解去均用早住遂據濠州挾德崖
等爲已用均用自稱永義王早住稱魯淮王

癸巳春正月乙酉太陰犯太微東垣上相○戊戌太白
熒惑辰星聚奎○蒙古立分司農司

先是脫脫言京畿近水地利召募江南人耕種歲可收
粟麥百萬餘石不煩海運京師足食元主曰此事利國
家其議行之於是立分司農司以右丞悟良哈台左丞
烏古孫良禎兼大司農卿給分司農司印西自西山西
至保定河間北抵檀順東及遷民鎮凡官地及元管各
處屯田悉從分司農司立法佃種合用工價牛具農器
穀種給鈔五百萬錠又略倣前集賢學士虞集議於江
昭代典則

卷一

十

准召募能種水田及修築圍堰之人各千人爲農師降
空名添設戰事敕牒十二道募農民百人者授正九品
二百人者正八品三百人者從七品就令管領所募之
人所募農夫每人給鈔十錠期年散歸遂大稔

二月太白犯熒惑○蒙古詔立脫脫平徐勲德碑

胡粹中曰用大眾攻小寇曠日持久雖獲鼓旗燒積聚
而不能殲其渠魁何名爲平徐况屠滅齊民豈足以言
勲德乎斯蓋汝中栢伯帖木兒之徒欺其上以阿附權
臣也

定西靜寧莊浪等處地震○五月泰州張士誠起兵據高
郵自稱誠王蒙古知府李齊焚之

士誠白駒焉。高氏及第士德士信舉兵陷泰州淮南行省遣齊招降被留久之賊酋自相戕始縱齊歸士誠尋殺參政趙理走入湖復陷興化縣以行省左丞侯拱巒為借宗王鎮高郵出聲守院社滿五月乙未賊數人呼譟入城省憲官皆遁齊急還城門已閉士誠遂據高郵稱誠王國號大周建元天祐已而有詔赦之使至不得入賊給言請李知府來乃受命行省強齊往至則下齊于獄齊雖辯說百端而士誠本無降意特遷延為繕守計官軍謀知之乃進攻城士誠呼齊使曉齊曰吾降如鐵豈為賊屈士誠怒使曳倒槌碎其膝而劓之時論大廷三冠若李勣秦不華及齊皆不負明學云

昭代典則

卷一

十一

我

太祖高皇帝徇定遠下滁陽

濠城自蒙古兵退軍士多死傷高皇帝乃歸鄉里募

兵得七百餘人鳳陽人徐達英雄有智略與耿再殘耿

秉交郭英等皆來歸時彭越二人馭下無道所部多暴

橫高皇帝乃與徐達等南略定遠中途遇賊還居半

月有告定遠張家堡民兵號驢牌寨者孤軍乏食欲來

降未決高皇帝以告子興子興選騎士費聚等從行

入其營營中遣二將迎既至其帥遂出迎曰公遠來郭

公必有所命高皇帝曰郭公與足下有舊聞足下軍

艱食飽敵欲來攻特遣吾相報能相從即與俱往否則

移兵避之其帥許諾請留物為信高皇帝解所佩香

囊與之彼以牛脯為獻後三日費聚還告曰彼且欲他往矣高皇帝即率兵三百人復抵其營使有勇力者往誘其帥來會帥至遂縛之令壯士五十人擁之以行十餘里乃遣人諭其營中曰爾帥已往可移軍來就於是營兵皆出焚其營壘悉驅其眾以還得壯士三千人遂率之而東夜襲蒙古知院老張于橫澗山黎明入其營老張棄軍遁去降其民兵男女七萬得精壯二萬悉加訓練於是率之南略滁陽道遇定遠人李善長來謁與語悅之畱置幕下俾掌書記遂與俱攻滁陽下之彭早往趙均用遣人邀高皇帝將兵守盱泗以二人僉暴淺謀難與共事辭不往二人尋相吞併戰士多效早

昭代典則

卷一

十一

往亦亡惟均用專據濠州狼戾益甚子興勢孤遂將其

所部萬人至滁州見高皇帝所將兵號令嚴明軍容

整肅乃大悅

六月蒙古立子愛猷識理達臘為太子○自是月不雨至

于八月○秋七月丁卯泉州雨白絲海水日三潮○九月

朔日有食之○太白經天○蒙古江浙平章政事卜顏帖

木兒及西寧王牙罕沙合兵擊徐壽輝於蘄水破走之偽官四

百餘人○江西賊王善冠福州連江巡檢劉濬戰歿濬子

健擊賊斬之

王善既陷羅源因攻福州連江縣巡檢劉濬募壯士與

其子健拒賊數與鏖戰濬中箭墜馬健下馬掖之俱被

昔濟南賊而外健亦以死拒賊善義門釋之使收濟尸
斂瘞健請帥府兵以行從賊聽言盡散家背結外土
百人皆工商流寓之徒中安牛發火大噪賊驚擾自
相殺于市害其父者復以三符諭善及陳伯祥獻於
帥府傳之事聞元帥帥府有者校授健古田縣尹○
胡粹中曰劉從孝足以報父之仇忠足以滅君之賊智
勇俱全蓋奇士也授以事并賞不酬功用違其才矣
使為將帥豈不足以報一方哉

冬十一月蒙古京無雪雷少頃有火墜于東南○蒙
古以方國珍為徽州路治中國珍不受命

先是遣江浙左丞帖里帖不兒南臺侍御史左蒼納失

昭代典則

卷一

十三

里復招諭國珍既而二人報國珍已降乞授以五品職
官令納其船散遣徒眾遂以國珍為徽州路治中國璋
廣德路國璋信州路治中國珍等疑懼不受命仍擁船
千艘據海道阻絕糧運復遣右丞阿兒溫沙等率兵伐
之○胡粹中曰猛虎出林蛟龍失水人皆得以制之國
珍構兵六年屢敗官軍阻江海以自固蓋未可以力勝
也若因其請降厚以祿爵導之臣順使彼無失其富貴
不憂乎危亡則雖強暴之性可馴而為忠義矣乃以治
中移之他路是激其怒而使之再叛也元朝處置若此
豈不謂之國無人焉者哉

蒙古哈麻進西番僧獻淫戲

作教元主行房中運氣之術號演揲兒法演揲兒者術
言大喜樂也又進僧伽璘真善秘密法元主皆習之詔
以西番僧為司徒伽璘真為大元國師各取良家女三
四人奉之謂之供養嘗謂元主曰陛下尊居萬乘富有
四海不過係有見世而已人生能幾何當受此秘密大
喜樂禪定於是元主日從事其法廣取女子惟淫戲是
樂及選宮女一千六人按舞名為天魔舞首垂髮數辮
戴象牙冠身被縵絡大紅綃金長短裙襖雲肩合袖天
衣綬帶鞋襪各執加巴刺殿之器內一人執鈴杵奏樂
又宮女十一人練髻髻勒帕常服或用唐帽窄衫所奏
樂用龍笛頭管小鼓箏箏琵琶笙胡琴響板拍板以宣
者長安迭不花領之遇宮中讚佛則按舞奏樂官官受
秘密戒者得入餘不得預元主諸弟八郎者與哈麻妹
婿秃魯帖木兒及老的沙等十人號倚納皆有寵在帝
前相與褻狎甚至男女裸處號所處室曰豈即兀該猶
華言事事無碍也君臣宣淫而羣僧出入禁中無所禁
止醜日外聞皇太子既長深疾二僧等所為欲去之未
能也

昭代典則

卷一

十四

大同路大疫

甲午春正月汴河水五色如繪

三日

○癸感犯歲星○

蒙古遣其吏部侍郎貢師泰和羅于浙西

時江淮兵起元京師食不足命師泰和羅于浙西得糧

百官石門奏遷兵部侍郎整飭京師至上都驛戶師奏
駁官軍而均其徭役民賴以甦豪貴以不利於已深嫉
之會朝廷復欲和糴除師泰都水庸田使

三月朔日有食之○夏四月朔介休地震○江西湖廣大
饑疫○伊洛溢○秋七月汾州孝義地震○太陰犯昴○
九月蒙古命右丞相脫脫督諸軍擊張士誠

張士誠攻揚州元達識帖睦爾與戰軍潰江浙參政佛
家奴與戰軍又潰士誠進臨盱眙兵勢益振元主乃詔
脫脫以太師中書令右丞相總制諸王各省軍馬董督
總兵領大小官員將士以討士誠於江郵大破之士誠
突圍出走

昭代典則

卷一

十五

冬十月蒙古脫脫分兵寇六合滁州我太祖高皇帝帥
取再成禦却之

元帥脫脫克高郵分兵圍六合六合遣使求救於滁郭
子興不答高皇帝曰六合受圍無救必斃六合既斃
次將及滁時元兵號百萬諸將畏之子興囑高皇帝
往令禱于神高皇帝曰事之可否當斷之於心何必
禱也遂帥師東之六合與耿再成守瓦梁壘元兵攻壘
數四每垂陷輒又完壘苦戰元兵疑之高皇帝又以
計給之元兵不敢迫遂引去既而元兵復大至將攻滁
州高皇帝設伏澗側令再成佯走誘之渡澗伏發城
中鼓噪而出內外夾擊元兵大敗獲其馬甚衆由是滁

城得完時馮勝趙德勝胡大海皆來從子興欲據滁
王高皇帝察知其意因說曰滁山城也舟楫不通
買不集無形勝可居不足據也子興默然

蒙古以定住爲左丞相瑣南班哈麻爲平章政事○蒙古
哈麻嗾御史袁賽因不花劾脫脫削其爵安置淮安以河
南左丞相泰不華代總其軍

初脫脫之再相信用汝中相由左司郎中參議中書省
事平章以下見其議事莫敢異同惟哈麻以有德於脫
脫不爲之下汝中相因譖之脫脫改爲宣政院使哈麻
深銜之至是嗾賽因不華等劾脫脫出師三月略無寸
功傾國家之財爲已用半朝廷之官以自隨其弟御史

昭代典則

卷一

十六

大夫也先帖木兒庸鄙貪淫玷污清臺章三上詔削脫
脫官爵淮安安置也先帖木兒安置寧夏陞泰不華爲
河南行省左丞相月闕察兒加太尉雪雪知樞密院事
代將其兵詔至軍中龔伯璣曰將在軍君命有所不受
且丞相出師時嘗被密旨一意進討可也詔書乃勿開
開則大事去矣脫脫曰天子詔我而不從是我與天
子抗也君臣之義何在既聽詔頓首曰臣至愚荷天子
委以軍國重事早夜懼弗克勝一旦釋此重務上恩所
及深矣卽出名甲名馬分賜諸將俾各帥所部以聽月
闕察兒等節制客省副使哈刺答曰丞相此行我輩必
以他人之手今日寧效丞相前遂拔劍自刎而死○